

Maldekstrema partio perua proponas elekton de konstitucia asambleo fronte al la krizo

Image not found or type unknown



Lima, nov 16 (RHK) La nova transira registaro de Peruo devos kunvoki referendumon pri la elekto de konstitucia asembleo por atingi ?an?ojn profundajn kiel solvon al la grava politika krizo, proponis la movado Nova Peruo(NP).

La maldekstra organizo publikigis komunikon de sia politika komisiono pri la krizo, kiu metis la landon en streĉan situacion post la eksigo de la prezidento Martín Vizcarra, anstataŭita de Manuel Merino, kiu rezignis hieraŭ post la amasaj manifestacioj kontraŭ tiu nomumo.

Laŭ la organizo, NP, la lando ne nur travivas krizon de la rilatoj inter la registaro kaj la Kongreso, sed ankaŭ de la politika reŝimo kaj de la socia sistemo maljusta, kiu estigas enormajn malegalecojn.

“Pro tio urĝas la formado de transira registaro, kiun ne devas membri iu ajn de tiuj, kiuj estigis la nunan situacion”, aldonas la komunikilo, aludante la konservativan koalicion, kiu eksigis la prezidenton Vizcarra.

Ĝi konsideras ke la nova administracio devas garantii travideblajn elektojn kaj alvoki referendumon por ke la popolo decidu ĉu la lando elektos novan konstitucian asambleon.

La ĝeneralaj elektoj kaj la referendumo devos okazi samtempe, la 11-an de aprilo 2021, aldonas la estraro de la partio gvidata de Verónica Mendoza, prezidenta kandidatino de la progresema bloko Juntos (Kune) por Peruo.

Mendoza esprimis ke bezonatas konstitucia procezo “por ke okazu profundaj transformoj kaj ne restu je ĝminkado.”

“Por tio esencas formi Komitatojn de civitanoj por nova konstitucio kaj ne malpliigi la atenton en la batalo kontraŭ koruptado”, ĝi aldonis.

La dokumento omaĝas la junulojn Inti Sotelo kaj Bryan Pintado, mortpafitaj pasintsabate dum la subpremado de protestoj, kaj emfazas ke ili forpasis plenumante sian rajton protesti kaj rifuzi la registaron de Merino.

NP postulis juĝon kaj punon por la respondeculoj de la subpremado kaj mortoj, kaj respondecigis sron. Merino, la ĝefministron Ántero Florez-Aráoz; la ministron de la interno, Gastón Rodríguez; la ĝeneralan direktoron de la polico, la policestron de Lima kaj la oficiron koncernan rilate la subpremadon.

Organizoj defendaj de homaj rajtoj faris koncernajn denuncojn al la menciitaj personoj pro la murdo de la junuloj kaj vundoj kontraŭ pli ol centoj da personoj.

Mendozas ankaŭ petis reorganizon de la polico kaj nuligi ĝiujn leĝojn, kiuj krimigas la sociajn protestojn.

fonto: PL

<https://www.radiohc.cu/index.php/eo/noticias/internacionales/239807-maldekstrema-partio-perua-proponas-elekton-de-konstitucia-asambleo-frente-al-la-krizo>



Radio Habana Cuba